

## ԱՐՁԱՆԱԳՐՈՒԹՅՈՒՆ ԹԻՎ 1

2019 թվականի սեպտեմբերի 16-ին տեղի ունեցավ ՀՀ Կոտայքի մարզի Գեղաշենի Ռազմիկ Ստեփանյանի անվան միջնակարգ դպրոցի 8-րդ Ա դասարանի ծնողական ժողովը: Ժողովին ներկա էին բոլոր ծնողները, դասղեկ Անուշ Քոչարյանը և տնօրենի մասնագիտացված կրթական աջակցությունների գծով տեղակալ Ջոյա Գևորգյանը:

### ՕՐԱԿԱՐԳՈՒՄ՝

1. Դասարանի ծնողական խորհրդի և խորհրդի նախագահի ընտրություն:
2. Սովորողների պարտադիր կրթության իրականացման գործընթացում անհրաժեշտ ուսումնական նյութերի ձեռքբերման համար աշխատանքներ իրականացնելու հարցը:
3. Ծնողագուրկ և սոցիալապես անապահով երեխաներին նյութական օգնություն ցույց տալու, աշակերտների հանգիստը և ժամանցը նպատակային կազմակերպելու հարցը:
4. Ընթացիկ հարցեր /կարգապահություն, ռեժիմ, հերթապահություն/:

1. Լսեցին- Դասարանի ծնողական խորհրդի և խորհրդի նախագահի ընտրության հարցը:

Ելույթ ունեցավ 8-րդ<sup>Ա</sup> դասարանի ղեկավար Անուշ Քոչարյանը, որը ներկայացրեց ծնողական խորհրդի ընտրության կարգը:

Առաջարկվեց նոր՝ 2019-2020 ուսումնական տարվա համար ձևավորել դասարանի ծնողական խորհուրդ՝ նախագահ և չորս անդամ կազմով: Առաջարկվեց նշել մնացած չորս անդամների թեկնածուներին ևս: Առաջարկվեց հինգ անդամների թեկնածություն: Նախագահի թեկնածու առաջադրվեց Ամալյա Մկրտչյանը: Կատարվեց քվեարկություն: 17 կողմ, 0 դեմ ձայներով ծնողական խորհրդի նախագահ ընտրվեց Ամալյա Մկրտչյանը:

### Որոշեցին.

8-րդ Ա դասարանում ձևավորել ծնողական խորհուրդ հետևյալ կազմով.

- |                 |         |           |
|-----------------|---------|-----------|
| 1. Մկրտչյան     | Ամալյա  | /նախագահ/ |
| 2. Հովհաննիսյան | Լիլիթ   | /անդամ/   |
| 3. Վարդանյան    | Լուսինե | /անդամ/   |

4. Վարդանյան Արմինե /անդամ/  
5. Մաթևոսյան Մարինե /անդամ/

2. Լսեցին - Սովորողների պարտադիր կրթության իրականացման գործընթացում անհրաժեշտ ուսումնական նյութերի ձեռքբերման համար աշխատանքներ իրականացնելու հարցը:

Դասղեկ Անուշ Քոչարյանը նշեց, որ ծնողները մանկավարժական կոլեկտիվի հետ միասին պետք է փորձեն միասնական պահանջներ ձևավորել երեխաների դաստիարակության հիմնախնդիրների լուծման հարցում: Նա հորդորեց ծնողներին՝ աջակցել դպրոցին, ուսուցիչներին՝ պարտադիր կրթություն իրականացնելու, սովորողներին ուսուցման և դաստիարակության համար անհրաժեշտ պայմաններ ապահովելու համար: Դասավանդող ուսուցիչներին և դասղեկին օգնել՝ ձեռք բերելու կրթության գործընթացի արդյունավետ կազմակերպման համար անհրաժեշտ տեսրեր, գրենական պիտույքներ և ժամանակին վճարել դասագրքերի վարձավճարները:

Որոշեցին - Օգնել դասղեկին և ուսուցիչներին՝ ձեռք բերելու անհրաժեշտ տեսրեր և կազմակերպված իրականացնել դասագրքերի վարձավճարների հավաքագրումը:

3. Լսեցին - Ծնողագուրկ և սոցիալապես անապահով երեխաներին նյութական օգնություն ցույց տալու, աշակերտների հանգիստը և ժամանցը նպատակային կազմակերպելու հարցը:

Դասղեկ Ա. Քոչարյանը նշեց, որ 8-րդ Ա դասարանում կան ծնողագուրկ երեխաներ և սոցիալապես անապահով ընտանիքների երեխաներ, որոնց գրքերի վարձավճարները տրամադրվում են դպրոցի կողմից: Էքսկուրսիաների, թատրոն, թանգարաններ այցելությունների ժամանակ ԿԳՄՍ նախարարությունը ապահովել է անվճար տոմսերով, սակայն տրանսպորտի և սննդի համար անհրաժեշտ է որոշակի գումար հավաքագրել, նման պարագայում անհրաժեշտ է ապահովել սոցիալապես անապահով ընտանիքների երեխաների ներկայությունը: Դա շատ կարևոր է նման ընտանիքների երեխաների ընդգրկվածությունը կոլեկտիվին, ընկերների հետ շփումները ապահովելու և նրանց տարիքային հոգեբանական զարգացումը ապահովելու համար: Որոշակի գումարային ներդրումներով ավելի ապահով վիճակում



գտնվող ծնողները կարող են իրենց երեխաների մոտ ապահովել հասակակիցների նկատմամբ ճիշտ մարդկային հարաբերությունների ձևավորումը, քանի որ դա գտնվում է նաև ծնողական խորհրդի կանոնադրությամբ իրեն վերապահված իրավասությունների շրջանակում:

Որոշեցին - Անհրաժեշտ օգնություն ցուցաբերել նաև տարվա ընթացքում իրականացվող միջոցառումների ժամանակ:



4. Լսեցին - Ընթացիկ հարցեր /կարգապահություն, ռեժիմ, հերթապահություն/:

Ընթացիկ հարցերը քննարկելիս դասղեկը ներկայացրեց դպրոցի կանոնադրությունը՝ կապված դպրոցական ռեժիմի, դասացուցակի, դասարանում կատարվող հերթապահության և այլ հարցերի վերաբերյալ: Նշվեց, որ դպրոցն աշխատում է հնգօրյա ռեժիմով, դասերն սկսվում են ժամը 9<sup>00</sup>-ին, ավարտվում՝ 15<sup>00</sup>-ին: Նա ծնողներին հորդորեց լինել հետևողական իրենց երեխաների նկատմամբ ժամանակին դպրոց հաճախելու և դասերին միշտ պատրաստ լինելու հարցում, ենթարկվեն դպրոցի ներքին կարգապահական կանոններին և աշակերտավայել վարք դրսևորեն դպրոցում:

Պետք է մշտապես պահել ծնող-դասղեկ-աշակերտ կապը և անհրաժեշտության դեպքում այցելել դպրոց՝ իրենց երեխաների վրա վերահսկողությունը մեծացնելու, աշակերտների վարքը և ուսման առաջադիմությունը բարձր մակարդակի հասցնելու համար, որ աշակերտները դպրոց հաճախեն ժամանակին ու պայուսակով, դասագրքերով, գրենական պիտույքերով ու աշակերտին վայել հագուկապով:

Որոշեցին .-Առավել ուշադիր և հետևողական լինել անցումային տարիք և հոգեբանական բարդույթներ ունեցող աշակերտների հանդեպ:

Ծնողական խորհրդի նախագահ՝  
Քարտուղար՝

 /Ամալյա Մկրտչյան  
 /Մարինե Մաթևոսյան